



1. Maksud: Solat sunat dua rakaat sebelum duduk ketika setiap kali masuk ke dalam masjid.

Hukum: Hukum menunaikan solat sunat tahiyatul masjid adalah sunat.

Terjemahan dalil: Sabda Rasulullah SAW, maksudnya: *"Apabila seseorang kamu masuk ke dalam masjid hendaklah ia solat dua rakaat sebelum duduk"*. (Riwayat Bukhari)

2. Maksud: Solat yang ditunaikan untuk memohon sesuatu hajat kepada Allah SWT.

Hukum: Hukum menunaikan solat sunat hajat adalah sunat.

Terjemahan dalil: Sabda Rasulullah SAW, maksudnya: *"Sesiapa berwuduk dengan sempurna, kemudian melakukan solat dua rakaat dengan sempurna, Allah SWT akan mengurniakan apa-apa sahaja yang dipohon sama ada cepat ataupun lambat"*. (Riwayat Imam Ahmad)

3. Hikmah solat sunat tahiyatul masjid:

- (a) Memuliakan masjid sebagai tempat beribadat.
- (b) Memupuk sifat rendah diri sebagai tetamu di rumah Allah.
- (c) Melatih diri supaya beradab apabila berada di tempat-tempat mulia.
- (d) Menambah pahala ketika berada di dalam masjid.

Hikmah solat sunat hajat:

- (a) Meletakkan pergantungan yang mutlak kepada Allah yang Maha Pemberi segalanya.
- (b) Melatih diri agar berharap kepada pertolongan Allah ketika senang atau susah.
- (c) Mendidik jiwa agar reda dengan ketentuan Allah.
- (d) Memberi ketenangan kepada jiwa yang keluh kesah.

4. Aktiviti murid

### Praktis Masteri 20

#### Bahagian A

1. C      2. C      3. D      4. D      5. D  
6. C      7. C      8. C

#### Bahagian D

1. (a) (i) 1. Memuliakan masjid sebagai tempat beribadat  
2. Meraih pahala ketika berada di dalam masjid  
(ii) Solat sunat hajat ialah solat yang dilaksanakan untuk meminta sesuatu hajat yang tertentu. Jadi, mereka yang bakal mengambil peperiksaan akan banyak melaksanakan solat sunat hajat bagi memohon pertolongan dari Allah SWT untuk mendapatkan keputusan yang cemerlang setelah habis berusaha melalui ulang kaji, pergi ke kelas tambahan dan sebagainya. Solat sunat hajat ini juga diamalkan sebagai tanda bukti kepercayaan seorang hamba kepada Allah yang Maha Pemberi Rezeki. Oleh itu, kita hendaklah memohon pertolongan Allah dalam sesuatu perihal untuk mendapatkannya.
- (b) (i) Sunat  
(ii) Sunat  
(iii) Haram  
(iv) Sunat
- (c) (i) ✓  
(ii) ✓  
(iii) ✗
- (d) (i) Mendidik jiwa agar reda dengan ketentuan Allah SWT.  
(ii) Memberi ketenangan kepada jiwa yang keluh kesah.
- (e) (i) sunat  
(ii) beradab  
(iii) pertengahan



1. Perkara fardu kifayah sering dianggap tidak penting dan sering menunding jari kepada orang lain untuk melaksanakannya bagi melepaskan diri. Sebagai contoh, kawasan perumahan menjadi kotor kerana tiada siapa yang bertindak membersihkannya. Hal ini akan menyebabkan umat Islam dipandang hina oleh masyarakat lain. Oleh itu, kita perlulah bersama-sama melaksanakan perkara fardu kifayah demi melahirkan masyarakat Islam yang hidup aman damai dan diberkati Allah.
2. Kewajipan terhadap jenazah seperti memandikan, mengapakan, menyembahyangkan dan mengebumikan jenazah dapat memastikan jenazah dalam keadaan yang bersih dan suci untuk menghadap Allah SWT. Hal ini dapat menjaga maruah dan kehormatan jenazah. Oleh itu, kita hendaklah melibatkan diri dalam pengurusan jenazah supaya timbul keinsafan untuk berterusan melakukan kebaikan. Mengendalikan mayat yang kaku dan sejuk itu satu peringatan yang paling memberi kesan.
3. Zakat adalah sebagai peringatan kepada umat Islam dalam menguruskan harta dengan betul kerana semua rezeki yang datang itu sebenarnya adalah hak mutlak Allah SWT dan sebagai pembersihan diri daripada perkara mazmumah seperti bakhil, kedekut dan kurang prihatin terhadap nasib golongan lebih memerlukan. Oleh itu, kita hendaklah menunaikan kewajipan zakat bagi memenuhi tuntutan rukun Iman yang ketiga.
4. Orang yang menunaikan solat Aidilfitri akan bersama menunaikannya di masjid tanpa mengira pangkat dan keturunan. Hal ini dapat mengeratkan hubungan silaturahim dan melahirkan masyarakat yang bersatu padu dalam kalangan umat Islam. Oleh itu, kita hendaklah mengimarahkan masjid dengan menunaikan solat Aidilfitri di masjid supaya dapat menzahirkan syiar agama Islam.
5. Menunaikan qiamullail pada waktunya memerlukan disiplin diri yang tinggi agar dapat mengamalkannya secara istiqamah. Hal ini dapat memberi kesan positif kepada individu dengan menjadikannya lebih berdisiplin dalam kehidupan seharian. Selain itu, dengan mengamalkan qiamullail juga akan memberikan ketenangan kepada seseorang menyebabkannya mudah untuk mengingat ilmu. Oleh itu, kita hendaklah mengamalkan qiamullail supaya dapat menjadi individu yang berdisiplin dan mempunyai ilmu yang tinggi.
6. Solat sunat tahiyatul masjid ialah solat sunat muakad sebagai tanda menghormati masjid yang dilakukan sebanyak dua rakaat sebaik sahaja memasuki masjid, iaitu sebelum seseorang itu duduk atau melakukan sesuatu yang lain. Selain itu, solat sunat ini juga dapat memupuk sifat rendah diri dan beradab semasa berada di dalam masjid serta menggalakkan umat Islam mendapat pahala berganda ketika di masjid. Oleh itu, kita hendaklah cuba mengamalkan solat sunat ini secara istiqamah setiap kali masuk ke masjid.